

摘藻堂四庫全書薈要

子部

欽定四庫全書叢要

子部

御定淵鑑類函卷二十一

欽定四庫全書薈要卷一萬一千四百六十九

子部

御定淵鑑類函卷二十一

歲時部十 熱 寒

熱一

  
釋名曰熱熱也言如火所熱也 又曰暑者煮也如煮

物也 說文曰溽濕暑也 易曰日月運行一寒一暑

增又曰寒往則暑來暑往則寒來 原易通卦驗曰

離氣見立秋分則歲大熱 京房易飛候曰有雲大如

車蓋十餘此陽水之氣必暑有暘者 增易稽覽圖曰

夏至之後三十日極溫 尚書曰曰哲時燠若 毛詩

曰誰能執熱逝不以濯 原禮記月令曰季夏之月土

潤溽暑 增又曰仲秋行夏令則其國火災寒熱不節

白虎通曰夏至陰始起反大熱何也陰起陽氣推而

上故大熱也 又曰至人神矣入大澤不濡焚而不能

熱也 原五經通義曰冬至陽動於下推陰而上之故

寒於上夏至陰動於下推陽而上之故大熱於上 又

曰日在牽牛則寒日在東井則暑牽牛外宿遠人故寒  
東井內宿近人故溫也 漢書西域傳曰罽賓國道歷

大小頭痛之山赤土身熱之坂令人身熱無色頭痛嘔  
吐 管子曰善為國者使農寒耕而熱耘 淮南子曰

南方之極自北戶之界至炎風之野赤帝祝融之所司  
增又曰熱焦沙寒凝水 原抱朴子曰或問不熱之

道曰服玄冰丸飛雪

一作霜

散帶六壬六甲符王仲都等

用此方也 山海經曰壽麻之國爰有大暑不可以往

神異經曰北方層冰萬里厚百丈有磤鼠在冰下土  
中其形如鼠食冰草木根肉重萬斤可以作脯食之已  
熱括地圖曰天毒國最大最熱夏草木皆乾死民善  
沒水以避日入時常入寒泉之下增廣州志曰南方  
炎洲氣薰數萬里為瘴禮斗威儀曰君喜怒無常時  
則常熱原楚辭曰魂兮歸來東方不可以托十日代  
出流金鑠石增景福殿賦曰感乎溽暑之伊鬱而慮  
性命之所平

## 熱二

增淮南子曰武王蔭暍人於柳下而天下懷世說曰  
武王見暍人王自左擁而右扇之原桓子新論曰元  
帝被病廣求方士漢中逸人王仲都者詔問所能為對  
曰但能忍寒暑耳因為待詔至夏暑日使曝坐又環以  
十爐火不言熱而身汗不出增後漢書馬援傳曰馬  
援征武陵五溪蠻進營壺頭賊乘高守隘水疾船不得  
上會暑甚士卒多疫死援亦中病遂困乃穿岸為室以

避炎氣 武陵記曰壺頭山邊有石窟即援所穿室也

室内有蛇如百斛船大云是援之餘靈也 益州記曰

瀘水即武侯渡處水有熱氣暑天不敢行 原抱朴子

曰洪從祖先公每大醉及夏天盛熱輒入深水底竟日

乃出者正以能閉氣胎息故耳 語林曰劉真長見王

公王公了不與語時大熱以腹熨石局 增梁書曰鄭

灼字茂昭勵志好學多苦心熱若瓜時輒偃卧以瓜鎮

心便起讀誦其勵志如此 唐書曰太宗欲幸九成宮



馬周上疏曰宮去京三百里本為避暑行也太上皇留  
熱處而陛下走涼處溫清之道臣所未安太宗善其言  
博異志曰岑文本避暑山亭忽有報上清童子元寶  
衣淺服青衣曰此上清五銖服出門不見伺之東行數  
步於院牆下瞥然而沒文本命工力掘之古墓中得古  
錢一枚文本方悟上清童子是青銅名元寶錢之文也  
廬陵宮下記曰明皇起涼殿拾遺陳知節上疏極諫  
上令力士召對時暑毒方甚上在涼殿座後水激扇車

風獵衣襟知節至賜坐石榻陰雷沉冷仰不見日四隅  
積冰成山簾水飛灑坐內含凍復賜冰屑麻飯陳體生  
寒粟腹中雷鳴再三請起方許上猶拭汗不已陳纔及  
門遺洩狼籍逾日復召謂曰卿論事宜審勿以已方萬  
乘也 酉陽雜俎曰申王有肉疾腹垂至胛明皇詔南  
方取冷蛇數條賜之蛇長數尺色白不螫人執之冷如  
握冰申王腹有數約夏月置於約中不復覺煩暑 神  
異經曰文宗延學士於內庭討論經義李訓講周易微

義頗叶於上意時方盛夏遂命取冰玉腰帶及辟暑犀如意以賜訓訓謝之上曰如意足以與卿為談柄也

撫言曰韋澳孫宏大中時同在翰林盛暑上在太液池中宣二學士既赴召中貴人頗以絺綌為訝初殊未悟及就坐但覺寒氣逼人熟視有龍皮在側尋宣賜銀餅餡食之甚美既而醉以醇酎二公因茲苦河魚者數夕上笑曰卿不耐事朕日進十數未嘗有損銀餅餡皆乳酪膏腴所製也

# 熱三

原煎沙 鑠石

賈誼旱雲賦云隆盛暑而無聊兮煎沙石而爛熳陽風至而含熱兮羣生悶懣

而愁潰畎畝枯槁而失澤兮壤石相聚而為害抱朴子云朱甌鑠石不能靡蕭丘之木

鎮心

霑汗

上詳熱二世說郝嘉賓三伏日詣謝公當風交扇猶霑汗謝著故衫而食熱粥郝曰非公幾不堪

此

寒溪 熱坂

武昌記曰樊山東有小溪夏時凜然常有寒氣故謂之寒溪下詳熱一

赫風灼宇 炎氣燎房

潘岳狹室賦云當祝融之御節熾朱明之隆暑景日華以

曜庭赫風湛其灼宇傳玄紈扇賦曰隆暑翕以鬱蒸炎氣燎於幽房

機女絕綜 耕

夫釋耘

並見曹植大暑賦

風雲鬱其如火

天地赫以為爐

當秦穆公三庚之日 思葛稚川六甲之符 增冷

蛇 冰鼠

上詳熱二  
下詳熱一

熱四

原瘴暑

詩曰我  
心瘴暑

反凍

莊子曰暘者  
反凍於冷風

如悵

如悵如焚悵  
燎也言熱如

火如熏

詩曰憂心  
如熏灼爛也

暑雨

書夏  
暑雨

炎炎

滌滌

並早  
熱氣

赫日

火雲

恒燠

溽暑

毒暑

避石室

馬援  
穿石

為室以避  
暑詳熱二

升山陵

月

獸喘氣

鳥戢翼

並見劉公  
幹暑賦

寒甚生熱

黃帝問岐伯曰人傷於寒而轉  
為熱何也曰夫寒甚則生於熱

至後為熱

春

繁露云夏至陰陽之會北方物動於下南

六月徂暑

方物動於上故至日後為熱焦金爛石

詩

九日重光

曹植大暑賦曰映扶桑之高熾燎九日之重光

熙天灼地

咸傳

羽扇賦云熾九日之隆赫然高燎於沸海焦陵

咸傳咸

扶桑熱熙天而灼地沸巨海而成湯

海沸磔爛

見曹植大暑賦

海沸砂融

傳玄雜詩云大暑時

草木垂幹

見曹植大暑賦

衽席焚灼

見王粲大暑賦

體怒如鑠

汗

揮如雨

潘岳狹室賦云沸體起其如鑠珠汗揮其如雨

飲於三伏

詳伏

夏日

之陰

萬物歸之言涼也

雲漢之章

言旱熱

汗珠隕玉體

見傳咸感涼賦

珠汗洽玉體

見傳玄詩

# 熱五

原詩晉傅玄詩曰朱明運將極溽暑晝夜興裁動四肢  
廢舉身若山陵珠汗洽玉體呼吸氣鬱蒸塵垢自成泥  
素粉隨手凝 梁簡文帝苦熱詩曰六龍驚不息三伏  
啓炎陽寢興煩几案俯仰倦幃牀滂沱汗似鑠微靡風  
如湯洄池愧生浪蘭殿非含霜細簾時半捲輕幌乍橫  
張雲斜花影沒日落荷心香願見洪崖井詎憐河朔觴  
梁任昉苦熱詩曰旭旦煙雲捲烈景入東軒傾光望

轉蕙斜日照西垣既捲焦梧葉復傾葵藿根重簾無冷氣挾石如懷溫霖霖類珠綴喘赫狀雷奔 梁何遜苦熱詩曰昔聞草木焦今睹沙石爛瞠瞠風愈靜瞳瞳日漸肝習靜悶衣襟讀書煩几案卧思清露泥坐待高星粲蝙蝠戶中飛蟻蠓窗間亂寔無河朔飲空有臨淄汗 梁王筠苦熱詩曰日坂散朱霄天隅斂青靄飛颺煥南陸炎津通北瀨繁星聚若珠密雲屯似蓋月至每開襟風過時解帶 梁劉孝威苦暑詩曰暮日苦炎溽遷



坐接階廊月麗姮娥影星含織女光棲禽動夜竹流螢  
出暗牆香盤揉鮮粉雕壺承玉漿白羽徒垂握淥水自  
周堂弱紈猶覺重纖絺尚少涼弄風思漢朔戲雨憶吳  
王玄冰術難驗赤道漏猶長誰能更吹律還令泰谷涼  
後周庾信苦熱詩曰火井沉熒散炎洲高燄通鞭石  
未成雨鳴鳶不起風思為鸞羽扇願借明光宮臨淄迎  
子禮中散就安豐美酒含蘭氣甘瓜開蜜筒 增唐杜  
甫熱詩曰雷霆空霹靂雲雨竟虛無炎赫衣流汗低垂

氣不蘇乞為寒水玉願作冷秋菰何似兒童歲風涼出  
舞雩 又曰瘴雲終不滅瀘水復西來閉戶人高卧歸  
林鳥却迴峽中都似火江上只空雷想見陰宮雪風門  
颯沓開 又早秋苦熱詩曰七月六日苦炎蒸對食暫  
餐還不能每愁夜中自足蝎況乃秋後轉多蠅束帶發  
狂欲大叫簿書何急來相仍南望青松架短壑安得赤  
脚踏層冰 又多病執熱奉懷李之芳尚書詩曰衰年  
正苦病侵陵首夏何須氣鬱蒸大水淼茫炎海接奇峰

碑兀火雲昇思霑道暍黃梅雨敢望宮恩玉井冰不是  
尚書期不顧山陰野雪興難乘 王維苦熱詩曰赤日

滿天地火雲成山岳草木盡焦捲川澤皆竭涸輕紉覺  
衣重密樹苦陰薄莞簟不可近絺綌再三濯思出宇宙  
外曠然在寥廓長風萬里來江海蕩煩濁却顧身為患  
始知心未覺忽入甘露門宛然清凉樂 白居易時熱

少見客詠懷詩曰冠櫛心多懶逢迎興漸微况當時熱  
甚幸遇客來稀濕灑池邊地涼開竹下扉露牀青篾簟

風架白蕉衣院靜留僧宿樓空放妓歸衰殘強歡宴此  
事久知非 又香山避暑詩曰紗巾草履竹練衣晚下  
香山踏翠微一路涼風十八里卧乘籃輦睡中歸 又  
消暑詩曰何以消煩暑端居一院中眼前無長物窗下  
有清風熱散由心靜涼生為室空此時身自得難更與  
人同 錢起避暑納涼詩曰木槿花開畏日長時搖輕  
扇倚繩牀初晴草蔓緣新筍頻雨苔衣染舊牆十旬河  
朔應虛醉八柱天台好納涼無事始能知靜勝深垂紗

帳詠滄浪

李遠慈恩寺避暑詩曰香荷疑散麝風鐸

似調琴不覺清涼晚歸人滿柳陰

宋陸游劇暑詩曰

六月暑方劇喘汗不支持逃之顧無術惟望樹陰移或  
謂當讀書或勸把酒卮或誇作字好蕭然却炎曦或欲  
溪上釣或思竹間碁亦有出下策買簞傾家資赤脚踏  
層冰此計又絕癡我獨謂不然願子少置思方今詔書  
下淮汴方出師黃旂立轅門羽檄晝夜馳大將先擐甲  
三軍隨指揮行伍未盡食大將不言飢渴不先飲水驟

不先告疲吾儕獨安居茂林蔭茅茨脫巾濯寒泉卧起  
從其私於此尚畏熱鬼神豈可欺坐客皆謂然索紙遂  
成詩便覺窗几間颯颯清風吹 范成大次韻溫伯納

涼詩曰日斜猶畏暑吏退合偷閒霞散紅綃薄溪迴碧  
玉彎伴人惟羽扇娛客欠風鬟且復哦新句相勸飯顆  
山 明顧德輝湖光山色樓避暑詩曰天風吹雨過湖  
去溪水流雲出樹間樓上幽人不知暑鈎簾把酒看虞  
山

原賦漢繁欽暑賦曰暑景方徂時惟六月林鍾紀度祝  
融司節大火颺光炎風酷烈沈陽騰射滯暑散越區寓  
鬱煙物焦人渴煌煌野火熾薄中原翕翕盛熱蒸我層  
軒溫風渙浥動靜增煩雖托陰宮罔所避旃粉扇靡效  
宴戲眇歡庶望秋節慰我愁歎 魏曹植大暑賦曰炎  
帝掌節祝融司方羲和按轡南雀舞衡蛇折鱗於靈寤  
龍解角於皓蒼遂乃溫風赫戲草木垂榦山圻海沸砂  
融礫爛飛魚躍渚潛鼃浮岸鳥張翼而近棲獸交游而

雲散于時藪庶徒倚基布葉分機女絕綜農夫釋耜背  
暑者不羣而齊跡向陰者不會而成羣於是大臣遷居  
宅幽緩神育靈雲屋重構閒房肅清寒泉湧流元木奮  
榮積素冰於幽館氣飛結而為霜奏白雪於琴瑟朔風  
感而增涼 魏劉楨大暑賦曰其為暑也羲和總駕發  
扶木太陽為輿達炎燭靈威參乘步朱轂赫赫炎炎烈  
烈暉暉若熾燎之附體又溫泉而沈肌獸喘氣於玄景  
鳥戢翼於高危農畋捉鎛而去疇織女釋杼而下機溫



風至而增熱歎悵悵而無依披襟領而長嘯冀微風之  
來思 魏王粲大暑賦曰惟林鐘之季月重陽積而上  
升喜潤土之溽暑扇溫風而至興獸狼望而倚喘鳥垂  
翼而弗翔遠昆吾之中景天地翕其同光征夫瘼于原  
野處者困于門堂患衽席之焚灼譬洪燎之在林起屏  
營而東西欲避之而無方仰庭槐而嘯風風既至而如  
湯于是帝后順時幸九峻之陰岡托甘泉之清野御華  
殿於林光潛廣室之邃宇激寒流於下堂重屋百層垂

陰千廡九闔洞開周帷高舉堅冰常奠寒饌代敘 晉

夏侯湛大暑賦曰若乃三伏相仍徂暑彤彤上無纖雲  
下無微風扶桑施其增熾大火煜其南升爾乃土墳墜  
坼谷枯川竭寒泉潛沸冰井騰沫洪液蒸於簞簞兮珠  
汗霑乎絺葛溫風翕其至今若洒湯于玉質沃新水以  
達夕振輕箴以終日 晉卞伯玉大暑賦曰惟祝融之  
司運赫溽暑之方隆日貞曜於鶉首律遷度於林鐘溫  
風翕以晨至星火爛以昏中氣滔滔而方盛晷永路而

難終流風兮莫繼朱煙兮四纏鬱邑兮中房展轉兮長  
筵體沸灼兮如燎汗流爛兮珠連 晉傅咸感涼賦曰  
踐朱明之中月暑鬱隆以肇興赫融融以彌熾乃沸海  
而焦陵獸竄伏於幽林兮鳥垂翼而弗升汗珠隕於玉  
體兮粉附身而沾凝於是景雲晨敷曜靈潛光陰氣聿  
升凱風載揚忽輕箑於坐隅兮思暖服於蘭房

寒一

增釋名曰寒捍也捍格也 說文曰霸寒也從雨執聲

凜清寒也 易稽覽圖曰春夏寒政教急 京房易占

曰冬至之後三十日極寒 尚書曰曰謀時寒若 詩

曰一之日臧發

風寒也

二之日栗烈

氣寒也

又曰北風其

涼 禮記曰天地嚴凝之氣始於西南而盛於西北此

天地之義氣也 又曰仲春行秋令則寒氣總至 又

曰季冬之月命有司大儺以送寒氣 又曰孟冬行夏

令則國多風冬不寒 又曰季春行冬令則寒氣時發

草木皆肅 又曰仲冬行夏令則國多暴風冬不寒蟄

復出 禮運斗樞曰行失則雖當燠反寒 老子曰躁

勝寒靜勝熱 文子曰婦人當年不織天下有受其寒

者 管子曰大寒大暑大風大雨其時不至此謂四刑

淮南子曰北方有北極之山曰寒門積寒所在故曰

寒門也 又曰夏蟲不可以語寒 又曰青女仲春二

月之夕乃閉其寒 呂氏春秋曰見瓶水之冰而知天

下之寒 述異記曰辟寒香丹國所出 神異經曰東

南方海中有祖洲上有烜湖其內鯨魚出焉長八尺食

之宜暑而避風寒之氣此魚狀即與江湖小鯽相類耳  
酉陽雜俎曰潯陽有青林湖鯽魚大者二尺餘小者  
滿尺食味美亦可止寒熱也 廣志曰挹婁國地寒人  
多穴居 楚辭曰蹕絕垠於寒門 大人賦云軼先驅  
於寒門

寒二

增太公金匱曰武王伐紂天陰寒雨雪十餘日 原稊  
天子傳曰庚寅北風雨雪天子乃休日中大寒有凍人

天子作黃竹詩

詳雪

左傳曰楚莊王圍蕭申公巫臣曰

師人多寒王巡三軍撫而勉之三軍之士皆如挾纊

晏子曰景公起大臺歲寒役之凍餒者有焉公延晏子

坐飲酒樂晏子歌曰庶民之凍我若之何奉上靡弊我

若之何歌終喟然流涕公止之曰子殆為大臺之役夫

寡人將罷尸子曰雨雪楚莊王披裘當戶曰我猶寒

彼百姓賓客甚矣乃使巡國中求百姓賓客之無居宿

絕糧者賑之國人大悅呂氏春秋曰衛靈公天寒鑿

池宛春曰天寒恐傷民公曰何寒哉春曰君衣狐裘坐熊席四陬有火是以不寒民衣敝不補履決不葺君則不寒民則寒矣公曰善命罷役 又曰戎夷違齊如魯

天大寒而後門與弟子宿於郭外寒逾甚謂弟子曰子與我衣我活我與子衣子活我國士也為天下惜死子不肖人也不足愛也子與我子之衣弟子曰夫不肖人又惡能與國士衣哉戎夷歎曰道不濟夫解衣與弟子夜坐而死 戰國策云田單為齊相過淄水有老人涉



溜而寒不能坐沙中乃解裘衣之襄王曰單之厚施欲  
取我國乎有貫珠者聞之曰不如因以為已善乃下令  
曰寡人憂民之寒而單解裘衣人稱寡人之意於是閭  
里相與語曰田單之愛人乃王之教也 增韓子曰昔  
者韓昭侯醉而寢典冠者見君之寒也故加衣於君之  
上寢覺而說問左右曰誰加衣者左右對曰典冠君因  
兼罪典衣與典冠其罪典衣以為失其事也其罪典冠  
以為越其職也非不惡寒也以為侵官之害甚於寒也

洪範五行傳曰秦始皇九年四月寒凍民有死者

原漢書曰上聞韓王信降匈奴上自將擊之連戰乘勝  
逐北至樓煩會大寒士卒墮指者十二三 增西京雜  
記曰淮南王好方士皆以術見嘘吸為寒暑 原東觀  
漢記曰王郎起兵上自薊東南馳夜至蕪蒹亭時天寒  
烈衆皆飢疲馮異上豆粥明旦上謂諸將曰昨日得公  
孫豆粥飢寒俱解 鍾離意別傳曰嚴遵昔與光武俱  
為諸生暮夜宿息二人寒不得寢卧更相謂曰後日豪

貴憶此勿相忘別後數年光武有天下徵遵不至 增

謝承後漢書曰盛夏多寒韋彪上疏諫曰臣聞政治之本必須陰陽伏見立夏以來當暑而寒殆刑罰刻急郡國不時令之所致也 續漢書五行志曰初平四年六

月寒風如冬時 原搜神記曰羅威事母孝天大寒常

以身自溫席授其處

詳考

葛仙公別傳曰公與客談語

時天大寒仙公謂客曰居貧不能人人得罏火請作一大火共致煖者仙公因吐氣火赫然從口中出須臾火

滿屋客皆熱脫衣矣 增拾遺記曰嗽金鳥出昆明國

形如雀色黃常翱翔於海上魏明帝時其國來獻此鳥  
飴以珍珠飲以龜腦鳥常吐金屑如粟鑄之可以為器  
此鳥不畏霜雪乃起小臺處之名曰辟寒臺皆用水晶  
為戶牖使內外通光宮人爭以鳥吐之金用飾釵珮謂  
之辟寒金故宮人相嘲曰不服辟寒金那得帝王心不  
服辟寒金那得帝王憐 晉朝雜事曰大興四年大寒  
傷民冰厚時王敦肆亂殺戮忠良 酉陽雜俎曰魏使

崔劭曰今歲奇寒江淮亦冰 天寶遺事曰開元二年

冬至交趾國進犀一株色黃如金使者請以金盤置於  
殿中溫溫然有煖氣襲人上問其故使者對曰此辟寒  
犀也昔隋文帝時本國曾進一株直至今日上甚悅厚  
賜之 唐書曰錢徽拜左丞會宣墨麻羣臣在庭方大  
寒稍稍引避徽素恭謹不去立久而仆 杜陽雜編曰  
咸通九年同昌公主下降錫錢五百貫仍罄內庫寶貨  
以實其宅更賜金麥銀粟數斛堂設連珠之帳績真珠

以成也却寒之簾類玳瑁有紫色云是寒鳥骨所為也  
則未知何出 又曰同昌公主乘七寶步輦綴五色玉  
香囊貯辟寒香乃異國所獻也

寒三

原雞始乳

馬如蝟

月令大寒之日鴈北向雞始乳  
文選馬毛縮如蝟言寒也

白鶴語

黃竹詩

異苑曰昔太康二年南州人見二白  
鶴語曰今茲寒不減堯崩年 下詳

寒二

寒折骨

風截耳

應璩詩云嵐山寒折骨面目盡  
生瘡 傳玄詩云嚴風截人耳

素雪隨地凝

龜鼈蟄

鱗甲潛

張衡應問曰溽暑至而鵲  
火見嚴寒至而龜鼈蟄

下見傳玄  
大寒賦

虹蜺火

龍藏金

素淑詠寒云魚戢鱗兮  
鳥矜翼虹蜺火兮龍藏

金

增挾纊

解裘

俱詳  
寒二

金鳥

黃犀

俱詳  
寒二

寒四

原積冰

文選行積  
冰之皚皚

雨雪

詩雨雪  
其雱

木冰

左傳十三年口  
雨木冰寒也

凌

氣出口為  
凌詳後

凌兢

甘泉賦曰馳閭闔入  
凌兢凌兢寒涼處

慘凜

下陰潛  
而慘凜

不堪

月令寒氣總至人  
力不堪其皆入室

而耐

家語食冰者善  
游而耐寒也

熱生

寒

太玄經云陽不極則陰不萌陰不極則陽亦不  
芽極寒生熱極熱生寒信道致信

冬德

寒

呂氏春秋曰冬之德寒寒生不信其地不成剛地不  
成剛則凍閉不開天地之大四時之化而猶不能以

不信成物  
又况人乎

魚矜鱗

鳥失條

張衡思玄賦云魚矜鱗而并陵兮鳥登木而失

條  
桐不華

周書云清明之日桐不華則歲有大寒

穀不生

劉向別錄曰燕地寒谷不

生五穀鄒子吹律召溫氣至五穀生人名黍谷

凍入地

廣雅北方地苦寒冰厚一尺凍入地一丈

寒中人

楚詞薄寒之中人

冰作糜

魏武帝苦寒行曰人馬同時飢擔囊行取薪斧冰時

作糜糜

冰作漿

軍士冰作漿

冰漸軸

文子輶含冰以滅雪軌冰漸軸以凝壑

掩路

文子晨風淒以激冷夕雪暘以掩路

御狐貉

文子御狐貉之兼衣又曰

襲狐貉之暖者不憂至寒之悽愴

陰時慘

陰則時慘上宰於天

嚴氣升

雋溪

沍溫泉冰

並出雪賦

天道有寒

五經通義云寒暑和合以成歲也故易日月運



行一寒一暑乾道成男坤道成女

地氣為寒

黃帝素問云地氣上升為寒也

黍谷地

寒

劉向別錄云燕有黍谷地美而寒

不周地寒

括地圖云不周之國地寒

龍涸常

寒

沙州記云六月二十六日發龍涸晝夜肅肅常寒不復得脫襦袴將從七十二人面盡黎黑口唇青腫

減浴大寒

括地圖云二陽二汗之山減浴之民大寒俱地穴食草木之根

朔方之寒

尸子曰朔方之寒冰厚六尺木皮三寸

點蒼特寒

漢書曰雲南郡有點蒼山特寒四月五月中猶

積雪

月旁甚寒

論衡曰河東項曼都好道學仙辭家三年而返曰時數仙人將上天離月

數里而止月之旁甚寒也

凝冰結澗

陸機苦寒行曰凝冰結重澗積雪被長壑

沈寒凝

海

陸機連珠云烈火流金不能焚景沈寒凝海不能結風

寒不可勝

傅玄詩云季冬時慘

烈猛寒不可勝

**寒不可忍**

英雄記曰袁尚熙被公孫康伏兵縛之坐於凍地尚曰未死之時寒不可

忍謂康求席熙曰頭顱

方行萬里何席之為

**氣出為凌**

博物志北方地寒冰厚三尺氣出口

為**血流成冰**

豫章耆舊志云龍碩字顯先太皇幸潯陽游獵諸郡詔不得干犯碩乃作章陳理駭

頭割耳要候大駕於道以叩

頭流血時大寒後流血成冰

**冰結袴內**

**水流領下**

劉溢之與殷曰雨霰相隨冰結袴內水流領下

**寒破肌骨**

張英與延篤書云大陰之地寒破肌

骨此非老

**寒入肌膚**

風角云大寒入人肌膚內

**士卒凍飢**

漢書云宋義遣

其子襄相齊身送之無鹽飲酒

**將士數瘡**

又云神爵元年趙充國伐

羌勒書讓充國曰今冬虜皆當畜食多藏匿山中依險阻將軍士寒手足數瘡寧有利哉案文穎曰數瘡裂也

瘡寒創也

扶木顛悴

見傳玄大寒賦

園果摧折

曹植慰情賦曰黃初八年正月雨北

風飄寒園果墮  
水枝榦摧折

重衾無暖

張華詩云重衾無暖氣挾纊如懷冰

薄被知

寒

傳玄雜詩云浮雲含秋氣悲風坐自歎年過憂命短薄被知天寒

衣履不完

史記云東

郭先生困飢寒  
衣敝履不完

飢寒並至

蔡邕文侯云居處浮漂如樹之無根飢寒並至無以自安

鰕魚辟寒

詳寒一神異經

磳鼠却寒

又云北方有磳鼠在水之土中焉形如鼠其毛

八尺可以為  
褥卧之却寒

胡貉能寒

漢書鼯錯上疏曰夫胡貉之地積陰之處也木皮三寸冰

厚六尺食肉而飲酪其人  
密理鳥獸毳毛其性能寒

方士忍寒

桓子新論曰元帝時漢中送方

士王仲都詔問何所能對曰能忍寒乃於盛寒日載以  
駟馬車於昆明池上環冰而走御者厚衣狐裘甚寒而

仲都獨夷人辟寒華陽國志云汶山郡多雜藥名香土無變色

故夷人冬則辟寒急恒寒若洪範咎徵運乎二氣日月運行一寒一暑

小民怨咨書曰冬祁寒小民惟曰怨咨君子齋戒待陰陽之所定北戶墜

扉出雪賦墜泥也裸壤垂繒雪賦婦子入室嗟我婦子曰為改歲入此室處言寒

也凍者假衣莊子夫凍者假衣於春人馬凍死漢王莽鑄威斗日大寒人馬凍

死鳥雀毒害漢竇武上表曰今日大寒過節毒害鳥獸城旁竹柏皆為傷死寒野指

墮漠北苦寒之野墮指者十有七八水澤腹堅嚴凝之氣詳寒獻發

之風詳寒淒其以風寒也巢居知風寒稜稜霜氣

藪藪風威

大寒冰水道

魏志云文帝黃初六年文帝入淮是歲大寒冰水道冰

舟不得入乃還

大凌破河橋

晉朝雜事云永寧二年十二月大寒凌破河橋

箕颺振

地作

任豫雪詩曰寒爲嚮雲嘯悲鴻夜來號箕颺振地作畢陰駭增高

凜厲寒氣升

見曹

毗詠冬賦

戎馬栗不暖

朱火青無光

火見清風戒寒

國語云火見而清風戒寒清風至而修城郭注火心星清風寒風

日在牽牛則寒

五經

通義詳熟

凌霰交兮高冰合

波浮梗兮奔風沈

霜雪

滯兮潛天陽

嚴斲結兮悲海陰

並素淑七言詩

曾子耕天

寒不得歸

琴操云曾子嘗耕于太山之下遭天雨雪寒凍旬日不得歸乃作憂思之歌

嚴遵

學夜寒不得寢

詳寒二

魏文入淮是歲大寒

魏志詳前

桓玄

入宮是月酷寒

晉中興書云桓玄入建康宮逆風迅激旌旂不立法章儀飾一皆傾偃是月酷

寒

益房有寒出裘衣之

賈子曰楚莊王益房而立愀然有寒色曰寡人尚然奈百

姓何乃出府

范叔一寒取袍賜之

史記曰范雎相秦雎微行敝衣聞步見須

賈賈驚曰范叔一寒至此

哉乃取一綈袍以賜之

寒五

增詩唐杜甫前苦寒行詩曰漢時長安雪一丈牛馬毛

寒縮如蜩楚江巫峽冰入懷虎豹哀號又堪記秦城老

翁荆揚客慣習炎蒸歲締綌玄冥祝融氣或交手持白羽未敢釋又曰去年白帝雪在山今年白帝雪在地

凍埋蛟龍南浦縮寒刮肌膚北風利楚人四時皆麻衣楚天萬里無晶輝三足之烏足恐斷羲和迭迭將安歸

又後苦寒行詩曰南紀巫廬瘴不絕太古以來無尺雪蠻夷長老怨苦寒崑崙天關凍應折玄猿口噤不能嘯白鶴翅垂眼流血安得春泥補地裂又曰晚來江

門失大木猛風中夜飛白屋天兵斬斷青海戎殺氣南

行動坤軸不爾苦寒何太酷巴東之峽生凌斯彼蒼迴  
幹人得知 宋劉克莊苦寒行詩曰十月邊頭風色惡  
官軍身上衣裘薄押衣勅使來不來夜長甲冷睡難著  
長安城中多熱官朱門日高未啓關重重帷薄施屏山  
中酒不知屏外寒 楊萬里前苦寒歌詩曰四大海潮  
打清淮三萬里風平地來龜山橫身攔不住潮波怒飛  
風倒回欲晴不晴雪不雪并作苦寒凍人絕古寺大鐘  
十字裂東山石崖一峰蹙勸君莫出君須出冰脫君髯



折君骨 後苦寒歌詩曰白鷗立雪脰透冷鸕鷀避風

飛不正一雙野鴨欺晚寒出沒冰河底心性絕憐紅船  
黃帽郎綠蓑青箬牽牙檣生愁墮指脫兩耳蘆花亦無  
何許藏遣騎前頭買乾荻速烘焰火與一炙三足老鴉  
不肯出看雲訴天天不泣 明袁凱苦寒行詩曰雨雪  
雨雪淒風如刀我行中野而無緼袍我寒我飢誰復我  
知四無人聲但聞熊羆能欲攫我羆欲攷我我身乳羆  
進退不可進固難矣退亦何止還望舊鄉遠隔江海江

波湯湯海波洋洋我思我鄉死也可忘 高啓京師苦

寒詩曰北風怒發浮雲昏積陰慘慘愁乾坤龍蛇蟠泥  
獸入穴怪石凍裂生皴紋臨滄觀下飛雪滿橫江渡口  
驚濤奔空山萬木盡立死未覺陽氣回深根茅簷老父  
坐無褐舉首但望開晴曦苦寒如此豈宜客嗟我歲晚  
飄羈魂尋常在舍信可樂牀頭每有松醪存山中炭賤  
地爐煖兒女環坐忘卑尊鳥飛欲斷况無友十日不敢  
開衡門竭來京師每晨出強逐車馬朝天闔歸時顏色

暗如土破屋暝作飢鳶蹲陌頭酒價雖苦貴一斗三百  
誰能論急呼取醉竟高卧布被絮薄終難溫却思健兒  
戍西北千里積雪連崑崙河冰踏碎馬蹄熱夜斫堅壘  
收羌渾書生只解弄口頰無力可報朝廷恩不如蚤上  
乞身疏一蓑歸釣江南邨

原賦晉傅玄大寒賦曰五行倏而竟驚兮四節奔而電  
逝諒暑往寒來兮十二月而成歲日月會於析木兮重  
陰淒而增肅彩虹藏於虛廓兮鱗介潛而長伏若乃天

地凜烈庶極氣否嚴霜夜結悲風晝起飛雪山積蕭條  
萬里百川明而不流兮冰凍合於四海扶木憔悴於湯  
谷若華零落於濛汜 梁裴子野寒夜賦曰何四序之  
平分處修冬而多慮眷搖落兮遵盡悲荏苒其云除日  
晼晚而易潛夜悠長而難曙既而庭流皓月階被凝霜  
風吹衣而慄慄氣空積而蒼蒼齧重裘而弗煖熾朱火  
兮無光門蕭條而晝闌夜寐冥兮無人疏三徑以負汲  
結二耦而為賓 增唐趙自厲寒賦曰儒有討混元搜

綿祀旣覲寒暑之終亦測興伏之始硯風驚於一葉委  
時換乎千里寒之厥狀自茲而起若夫大火宿藏青霜  
晨烈則蜀井煙閉漲海氛滅長河天浹綴珠崖而生冰  
幽朔地窮濛飛沙而雨雪乃知蘇武增感李陵愁絕聽  
胡笳以攪思儷漢庭之仳別及幽林風掃時物霜殘柔  
條危勁奧室淒寒有美人兮心恍惚情怵悼而靡安陰  
凝柳塞怨龍庭之路隔月透羅幌憐鴛衾之夜闌屣銀  
階之悄悄雪珠淚之珊珊縫筐筥之紉素寄戎幕之艱

難別有陸沉之子厠跡荒藪噐宏偉而可觀命屯剝而  
不偶當其時也趨炎俯僂伺瞰噓吸無詩人卒歲之衣  
雨泉客將離之泣豈祁寒而致憾亦遭時而不息終乖  
挾纊之暄更悲綈袍之及層冰涸溜宋生則惓悵而相  
望皓雪盈門素子則茹悲而於悵

原謠晉夏侯湛苦寒謠曰惟立冬之初夜天慘懍以降  
寒霜皚皚以被庭冰澹瀕於井榦草摵摵以疏葉木蕭  
蕭以零殘松隕葉於翠條竹摧柯於綠竿

原表陳王曹植表曰臣聞寒者不貪尺玉而思短褐飢者不願千金而美一餐夫千金尺玉至貴而不若一餐短褐者物有所急也

御定淵鑑類函卷二十一



欽定四庫全書薈要卷一萬一千四百七十

子部

御定淵鑑類函卷二十二

歲時部十一

旱 水滂 救水災附  
豐稔 凶荒 人飢附

旱一

增尚書曰曰僭恒暘若 原洪範五行傳曰旱所謂常陽不謂常陽而謂旱者以為災也旱之為言乾萬物傷而乾不得水也君持亢陽之節暴虐于下興師旅勤衆勞民以起城邑臣下悲怨而心不從故陽氣盛而失度

故旱災應也 毛詩曰倬彼雲漢昭回于天王曰於乎

何辜今之人天降喪亂饑饉薦臻靡神不舉靡愛斯牲  
圭璧既卒寧莫我聽旱既太甚蘊隆蟲蟲不殄禋祀自  
郊徂宮上下奠瘞靡神不宗旱既太甚滌滌山川旱魃  
為虐如暎如焚我心瘁暑憂心如熏 韋曜毛詩問曰  
雲漢之詩旱魃為虐傳曰魃天旱鬼也箋曰旱氣生魃  
天有常神人死為鬼不審旱氣生魃奈何答曰魃鬼人  
形眼在頂上天生此物則將旱也天欲為災何所不生

而云有常神者耶 增禮記月令曰仲春行夏令則國  
乃大旱煖氣早來 原周禮曰司巫掌羣巫之政令若  
國大旱則率巫而舞雩 增又曰女巫掌歲時祓除釁  
浴旱暵則舞雩左傳曰龍見而雩穀梁曰雩者為旱求  
也 原春秋考異郵曰旱之言悍也陽驕蹇所致也

春秋繁露曰水干土則大旱 增續漢書曰郡國旱公  
卿行雩禮求雨閉諸陽門衣皁衣興土龍立土人舞童  
二佾七日一處 又曰郡國旱各掃除社稷公卿官長

以次行雩禮求雨也 原管子曰春不收枯骨朽腐伐

枯木而去之則夏旱至矣 增莊子曰大旱金石流土

山焦而不熱 原山海經曰泰華之山削成而四方有

蛇名曰肥遺六足四翼見則天下旱 又曰東荒北隅

有山名土丘應龍處南極殺蚩尤夸父不得復上故下

數旱旱而作龍應之乃得大雨 黃帝占書曰日中三

足烏見者大旱赤地 師曠占曰歲欲旱旱草先生旱

草者蒺藜也 京氏別對災異曰久旱何曰人君無施

澤惠利于下則致旱也不救即蝗蟲殺穀其救也省譴  
罰行寬大惠兆民勞功吏賜鰥寡廩不足 神農求雨

書曰春夏雨日而不雨甲乙命為青龍又為火龍東方  
小童舞之丙丁不雨命為赤龍南方壯者舞之戊巳不  
雨命為黃龍壯者舞之庚辛不雨命為白龍又為火龍  
西方老人舞之壬癸不雨命為黑龍北方老人舞之如  
此不雨潛處闔南門置水其外開北門取人骨埋之如  
此不雨命巫祝而暴之不雨神山積薪擊鼓而焚之

神異經云南方有人長二三尺袒身而目在頂上行走如風名曰魃所見之國大旱赤地千里一名貉遇者得之投溷中乃死旱災消也

旱二

增尸子曰湯之救旱也乘素車白馬著布衣身嬰為牲禱于桑林之野世說曰湯時大旱七年雒川竭煎沙爛石乃使持三鼎祝山川教祝曰政不節耶使人疾耶賄賂行耶讒夫昌耶宮室崇耶女謁盛耶何不雨之甚

耶 原洪範五行傳曰魯桓公五年大雩旱也先是公  
弑君而立有自危之心而下有怨懟之氣外結大國娶  
于齊以為夫人後比二年天子使大夫來聘極上得天  
子意憑大國之心則有亢陽之意以御臣下興邢丘之  
役以勞百姓則臣下離心而不從故應是而秋大旱

增又曰魯宣公十年秋大旱時公興師與齊伐葉夫伐  
國亢陽蓋師旅百姓所不欲也應時大旱 原左傳曰  
衛大旱卜有事于山川不吉甯莊子曰昔周饑克殷而

年豐天其或者欲使衛討邢乎從之師興而雨 又曰

夏大旱公欲焚巫尪臧文仲曰非旱備也脩城郭貶食  
省用務稼勸分此其務也巫尪何為天欲殺之則如勿  
生若能為旱焚之滋甚公從之是歲饑而不害 韓子  
曰晉公使師曠奏清徵師曠曰清徵不如清角平公曰  
清角可得聞乎師曠曰君德薄不足以聽之聽之將恐  
有敗公曰寡人老矣所好者音願遂聽之師曠不得已  
而鼓之一奏之有雲從西北方起再奏之大風至大雨



隨之裂帷幕破俎豆墮廊瓦坐者散走平公恐懼伏于  
廊室晉國大旱赤地三年平公之身遂癰病 左傳曰  
鄭大旱使屠擊有事於桑山斬其木不雨子產曰有事  
于山藝山林也而斬其木其罪大矣 晏子曰齊大旱  
公召羣臣問曰天不雨久矣民且飢色吾使人卜之崇  
在高山廣澤寡人少賦斂以祠靈山可乎羣臣皆莫有  
對者晏子進曰不可祠此無益也夫靈山固以石為身  
以草木為毛髮天久不雨髮將焦身將熱彼獨不欲雨

乎祠之何益 家語曰孔子在齊齊大旱春饑哀公問

于孔子曰旱如之何孔子曰凶年則乘駑馬力役不興  
馳道不脩祈以幣玉祭事不懸祀以下牲此則賢君自  
貶以救民之禮也 禮記曰歲旱穆公召縣子而問焉  
曰天久不雨吾欲暴尫而奚若曰天則不雨暴人之疾  
子虐毋乃不可與然則吾欲暴巫而奚若曰天則不雨  
而望之愚婦人于以求之母乃已疏乎徙市則奚若曰  
天子崩巷市七日諸侯薨巷市三日為之徙市不亦可

乎 莊子曰梁君出獵見白鴈羣君欲射之道有行者  
駭之君怒欲射行者其御公孫龍下車撫矢曰昔先公  
時大旱三年卜之以人祠乃雨公下堂頓首曰吾所以  
求雨以為民也吾自當之言未卒而天大雨方千里者  
何德于天而惠于民也今君王以白鴈而欲殺人乎

汝南先賢傳曰袁安為楚相會楚王英事互相牽引拘  
繫者千餘人三年而獄不決坐掠幽而死者百餘人天  
用災旱赤地千里安受拜即控轡而行既到決獄事人

人具錄其辭狀本非首謀為主所引應時理遣一旬之  
中延千人之命其時甘雨滂霈歲大豐稔 東觀漢記  
曰和熹鄧后稱制京師旱至五月朔太后幸雒陽寺省  
庶獄舉寃囚杜冷不殺人自誣被掠羸困使輿見畏吏  
不敢自理吏將去微疾舉頸若欲有言太后察視覺之  
即呼還問狀遂信即時收令下獄抵罪尹左遷行未還  
宮澍雨大降 孔叢子曰子豐拜高第御史建初元年  
歲大旱乃上疏曰臣聞為不善而災報得其應也為善

而災至遭時運也陛下即位日新視民如傷而不幸耗旱時運之會耳非政教之所致也昔成湯遭旱因自責減御損膳而大有年天意者陛下未為成湯之事焉天子納其言而從之三日雨即降轉拜黃門侍郎典東觀事會稽典錄曰夏香字曼卿永興人也為農夫香挺然特立明果獨斷年十五縣長葛君出臨虛里會客飲宴時郡遭大旱香進諫曰昔殷湯遭旱以六事自責而雨澤應澍成王悔過偃耒復起自古先聖畏懼天異必

思變復以濟民命今始罹天災縣界獨甚未聞明達崇  
殷周之德臨祭獨歡百姓枯瘁神祇有靈必不享也百  
姓不足君孰與足宜當還寺長即罷會身捐俸祿以贍  
飢民 漢書曰東海孝婦少寡無子養姑甚謹姑告鄰  
人曰孝婦養我勤苦哀其無子守寡我老久累丁壯奈  
何後姑自縊死姑女告吏婦殺我母吏捕孝婦婦誣服  
郡掾于公爭之不得乃抱具獄哭于府上因辭疾去郡  
中枯旱三年後太守至殺牛自祭孝婦冢因表墓天立

大雨歲熟郡中以此太敬重于公 增麈史曰朝奉郎杜球言永熙幸佛寺塔廟禱雨至天慶三館起居因駐輦問曰天久不雨奈何或對天數或對至誠必有應一綠衣少年越次對曰刑政不脩故也上頷之而行歸復駐輦召綠衣者問狀對曰某所守臣犯贓法當配宰相以親則不配某所守臣犯贓不當死宰相以嫌卒罪之翌日上為罷宰相天即大雨綠衣者即寇萊公也 又曰鄭俠見荆公言青苗之害不答久之得監在京安上

門會大旱自十一月至於三月河東河北陝西流民大  
入京師與城外飢民市麻粃麥麩為之糜或掘草根採  
木實以食俠上疏曰今天下憂苦質妻鬻女父子不保  
拆屋伐桑爭貨于市輸官糴米皇皇不給之狀繪為一  
圖此臣安上門日所見百不及一陛下觀臣之圖行臣  
之言十日不雨乞斬臣以正欺罔之罪

旱三

原杲日

愆陽

詩曰其雨其雨杲杲出日人專望雨而日出也愆陽陽驕也

八月



七年

八月不雨則君不舉 秋曰成湯之旱七年煎沙爛石 呂氏春

未覩鸛鳴

且憂狼顧

詩鸛鳴于垤將雨之候也 失時不雨人且狼顧注狼顧恐懼貌

賈誼曰

憤歎

成陰

歡娛為旱

晉石衡問袁甫曰壽陽已西恒旱已東恒澇何也甫曰壽陽已東吳人也

夫亡國之音哀鼎足強邦一朝失職憤歎成陰陰積成水故恒澇也壽陽已西中國新平強吳吳寶盡入志滿心盈長為旱故公羊曰魯僖公甚悅故早是以京師若抑強扶弱則天下和平

天厲流行

地財耗斁

厲疾疫也 詩耗斁土注旱害也斁散也

密雲徒自西郊

零雨未沾南畝

雲重積而又散

雨垂下而復收

選文

東作既嗟於歲旱

南山坐望於朝隲

屯西郊之

雲且聞不雨 廢南畝之稼豈望有秋 仰夫膏雨已

愆天降之期 望彼畢星未及月離之候 增鑠石

流金

俱楚詞

早備原有備 無虞 耗斲為災雖與月

離之候 流行有備則無歲取之虞

旱四

原免稅

永旱免稅令曰諸田有旱蟲霜處拘見營田州縣檢實具帳申省十四損已上免租稅調七已

上課役俱免若桑麥損盡各免其所輸聽折來年經二年後不在折限其應免者通計麥用為分數

懸

耜 不為災

自十月至于五月不雨不為災

必後枯

夫為稼於畝偏有一溉之益雖

歸憔悴爛而一溉之  
旱苗必後枯也

倬彼雲漢

詩序雲漢美宣王遇災能懼

用汝

霖雨

書若歲大旱用汝作霖雨

時雨不降

百穀不成五穀不滋害于衆盛

高田

不熟

天時不齊

禮記同年有豐凶之異也

天厲不戒

野無青

草民且菜色

詳後旱備

山陵不收

水泉咸竭

旱備

原千里之旱

賈誼曰不幸有方二三千里之旱胡以為恤

三年之食

禮曰九年

耕必有三年之食以三十年之通雖有凶旱水澇民無菜色然後天子食日舉以樂

恤人之心

救患之策

愆陽為沴歲不順布

布政有經衆無

匡懼

早五

原詩晉李顥經過渦路詩曰言歸越東足逝將反上都  
後洹填中路改轍脩茲衢旦發石亭境夕宿桑首墟勁  
焱不興潤零雨莫能濡亢陽彌十旬涓滴未暫舒泉流  
成平陸結駟可迴車肇允相忘鱗翻為涸池魚咫尺不  
能移白日奄桑榆 梁庾肩吾奉和武帝苦旱詩曰陽  
山蛇不蟄洳澤鳥猶攢暫息流膏雨將似怨祁寒文衣  
夜不卧疏食晝忘餐潔誠同望祀惟馨等浴蘭江蘋享

上帝荆壁奠高巒繁雲興岳立蒸穴動龍蟠渭渠還積  
水漉池更起瀾 增宋朱松久旱新歲乃雨詩曰高田  
土可簾下田不受犁遺蝗憂插啄况乃麥未齊赤子天  
自憐溝壑忍見擠雨逐新歲來停雲忽淒淒莫辭三日  
霖為作一尺泥汪汪既沒膝灑灑仍拍隄漸看蓑笠出  
笑語喧畛畦我欲與寓目父老同攀躋此身羣萬生擾  
擾舞甕雞曾亦無幾求脫粟配羹藜永言故隴耕老眼  
路淒迷好收斂版手鋤耰歸自攜 楊萬里憫旱詩曰

鳴鳩喚雨如喚晴水車夜啼聲徹明乖龍嬾睡未渠醒

阿香推熱呼不應下田半濕高全坼幼秧欲焦老差碧

書生所向便四壁賣漿逢寒步逢棘還家浪作飽飯謀

買田三歲兩無秋一門手指百二十萬斛量不盡窮愁

小兒察我慘不樂旋沽邨酒聊相酌更哦子美醉時歌

焉知飢死捐溝壑水車啞啞止復作蘇軾久旱望雨

詩曰飢人忽夢飯甑溢夢中一飽百憂失只知夢飽本

來空未悟真飢定何物我生無田食破硯爾來硯枯磨

不出去年太歲空在酉傍舍壺漿不容乞今年旱勢復  
如此歲晚何以黔吾突青天蕩蕩呼不聞况欲稽首號  
泥佛甕中蜴蜥尤可笑跂跂脉脉何等秩陰陽有時雨  
有數民是天民天自卹我雖窮苦不如人要亦自是民  
之一形容可似喪家狗未肯弭耳爭投骨倒冠落幘謝  
朋友獨與蚊雷共圭華故人嗔我不開門君視我門誰  
肯屈可憐明月如潑水夜半清光翻我室風從南來非  
雨候且為疲人洗蒸鬱褰裳一和快哉謠未暇飢寒念

明日

原頌漢東方朔早頌曰維昊天之大旱失精和之正理  
遙望白雲之鬱淳滄瞳瞳而亡止陽風吸習而熯熯羣  
生閔懣而愁憤隴畝枯槁而允布壤石相聚而為害農  
夫垂拱而無為釋其耰鉏而下涕悲壇畔之遭禍痛皇  
天之靡濟

原啓梁簡文帝謝敕示苦旱詩啓曰伏以九年之水不  
傷堯政七載之旱無累湯朝歲弘則公田已脩農勤則



我庾惟億今者亢陽以來為日未久將恐督郵不黜失  
在汝南之守暴胥未收無傷河南之尹而載勞興居仰  
發歌詠無愛珪璧有事山川菲飲食矣加之以撤膳焉  
中夜不寐加之以申旦焉此唐虞之所闕如軒頊之所  
不逮

原書魏應璩與廣川長岑文瑜書曰頃者炎旱日更增  
甚砂磔銷鑠草木焦卷處涼臺而有鬱蒸之煩浴寒冰  
而有爍爛之燥宇宙雖廣無陰以憩雲漢之詩何以過

此土龍矯首於玄寺泥人鶴立於闕里脩之歷旬靜無  
徵効明勸教之術非致雨之備也知恤下民躬自暴露  
拜起靈壇勤亦至矣昔夏禹之解陽旱殷湯之禱桑林  
言未發而水旋流辭未卒而澤滂霈今者雲重散而復  
積雨垂落而復收得無賢聖殊品優劣異姿乎

原文魏陳王曹植告咎文曰五行致災先史咸以為應  
政而作天地之氣自有變動未必政治之所興致也于  
時大風發屋拔木意有感焉聊假天帝之命以誥咎祈

福其辭曰上帝有命風伯雨師夫風以動氣雨以潤時  
陰陽協和庶物以滋亢陽害苗暴風傷條伊周是遇在  
湯斯遭桑林既禱慶雲克舉偃禾之復姬公走楚况我  
皇德承天統民禮敬川岳祇肅百神享茲元吉釐福日  
新至若炎旱赫羲颺風扇發嘉卉以萎良木以拔何谷  
宜填何山應伐何靈宜論何神宜謁於是五靈振竦皇  
祇赫怒招搖警怯橈槍奮斧河伯典澤屏翳司風右呵  
飛廉顧叱豐隆息颺遏暴元敕華嵩慶雲是興效厥年

豐遂乃沈陰塊圯甘澤微微雨我公田爰及予私黍稷  
盈疇芳草依依靈禾重穗生彼邦畿年登歲豐民無餒  
飢

增賦唐

撰人  
名闕

驕陽賦曰維皇穹之造物何靈鑒之不昭

寂然陰閉條爾陽驕風行天而啓象水干土而成妖山  
蛇則四翼呈歲日烏則三足昇朝亭臯背春兮失色草  
木先秋而欲凋螢飛火井蛙動陽飈嗟乎春之云滌山  
之方焦旱如何其農為足恤雲祁祁而始布日杲杲而

行出立嗇夫於丙丁命小童於甲乙春雷無聞奮豫夜  
月罕當離畢阡陌之多稔不滋堯湯之下人斯疾是則  
墳封孝婦東海之守非才囚繫冤囹河南之尹未黜

水澇一

增禮曰雨水不時 穀梁曰高下有水災為大水也

水澇二

增唐志曰貞觀八年山東及江淮大水帝憂之問虞世  
南世南對曰恐有冤獄枉人宜省錄繫囚 又曰神龍

元年大水詔九品以上官直言極諫宋務光上書曰切見自夏以來水氣勃戾天下多罹其災洛水暴漲漂損百姓傳曰簡宗廟廢祠祀則水不潤下夫王者即位必郊祀天地嚴配祖宗自陛下御極郊廟山川不時薦見又水者陰類臣妾之道氣盛則水泉溢頃虹蜺紛錯暑雨滯靈陰勝之沴也後廷近習或有離中饋之政干以外政願深思大變杜絕其萌也 又曰韓滉以戶部侍郎判度支大歷十二年秋大雨害稼十八京兆尹黎幹

言狀澆恐有所蠲貸固表不實代宗命御史行視實損田三萬餘頃始渭南令劉藻附澆言部田無害御史趙計按驗如藻言帝又遣御史朱敖覆實害田三千頃帝怒曰縣令所以養民而田損不問豈卹隱之意耶即貶為南浦員外尉計亦斥為豐州司戶員外參軍焉

### 水滂三

原班師 鼓衆

左傳水潦將降懼不得歸荀偃士句請于荀罃請班師 穀梁氏曰救水以鼓

衆

御船 伐鼓

漢建始三年秋京師相驚言大水至百姓奔走相蹂躪王鳳言太后上及

後宮可御船王商曰自古無道水猶不冒城郭今政化和平何由有水此必訛言俄而定鳳大慙晉書雨多

則禁祭用赤帟朱衣開諸陰朱紕禁社伐赤鼓用牲免稅于秋大水鼓用牲

也水損免懸釜資舟韓魏圍晉陽決晉水以灌稅具旱注之城中巢居懸釜而炊

旱則資舟湯湯浩浩書湯湯洪水方割注割害也備水災浩浩滔天注言漫天也

出平原徙高地平原出水為大水公沙穆為弘農令元壽元年三輔已東漂沒穆

曉占乃預告百姓徙高地遂得免舞商羊歌瓠子家語齊童謠曰天將大雨商羊

鼓舞乃一足鳥舞孔子曰齊將大水災也漢書曰洪河之決瓠子帝親自塞乃為瓠子之歌害於

築盛敗其城郭左傳公使弔宋災曰天作淫雨害於築盛月令後乃大水敗其城郭



城復于隍 岸變為谷 災既流行 水方洊至

洪河之決瓠子 滄海之變桑田 救水災原鯀堙

禹濬

書曰鯀堙洪水注堙塞也 禹貢濬畎澮距川注濬深也深其畎澮以通于川

負薪

捧土

漢河內決瓠子令將軍以下皆負薪塞之 朱浮與彭寵書曰亦猶河濱之人捧土以塞孟津

沈石犀

投白馬

蜀郡水災太守李冰乃刻石為犀沈于江浦以厭洪水水乃止 漢王尊

字子贛為東郡太守河水盈汎浸瓠子金隄尊躬率吏民投沈白馬以祭水神河伯尊執圭璧使巫祝請以身

填金隄因止宿廬居隄上

績弗成

費無已

鯀九載績用弗成賈讓言若繕完舊隄

增卑培薄勞費無已數逢其害此下策也

決九川

距四海

尚書注距至也決川使通

于海

竊壤以堙 積灰而止

山海經洪水滔天鯀竊帝之息壤以堙洪水淮南

子曰古者四極廢九州裂大水為害於是女媧乃積蘆灰而止之故曰積灰也

除九年之災

興萬人之利 屬方割之災 軫其咨之念 軫恤

人之心 開救物之志 既有備於流行 且無虞於

昏墊 宜務資舟之備 庶無懸釜之虞 夏禹濬川

人受賜矣 臺駘障澤帝用嘉之 禹隨山濬川人到于今受其賜 金天氏

有裔子昧為玄冥師生允格臺駘宣汾流障大澤帝用嘉之封諸汾州

災同瓠子莫展

計於負薪 水等孟津方效愚於捧土

# 水滂四

原霖

凡雨自三日已往為霖

災

穀梁曰災為大水

傷稼

漢書和帝元年十年十三

年十四年十五年

灌城

詳前

堯九年

堯有九年之水

漢連

水多漂兩傷稼

月

漢書古今注光武六年九月大雨連月苗稼更生鼠巢樹

下水上騰

苦雨數

來

淫雨早降

月令雨水不時水潦為敗苦雨數來丘隰水潦天多沈陰淫雨早降

水

潦不時

以水潦之時天厲不戒

不辨牛馬

莊子曰秋水大至兩涯之間不辨牛馬

變於魚鼈

辨命論曰空桑之里化為洪川歷陽之都變於魚鼈

龍鬬門外

鄭大

水龍鬬于時門之外消泉

鼠巢樹上

詳上

曾夢巢鶴

苦雨詩水鶴巢曾夢

白竈生鼃

上天降災下民昏墊

也墊溺

上帝不弔

下民嗟怨

水潦方降

國乃大水

增訛言水至

詳御

船注

水氣勃戾

詳水滂二

三鴉谷水

五行志曰唐中宗景龍八年鄧州三鴉口

大水塞谷

救水災

原大防

大為防

遠績

禹功

有能俾乂

堯曰洪水方割有能俾乂注

不復為害

漢書王景字仲通能治水

詔遣與王吳共治浚儀渠王吳用景之法堰流水乃不復為害

發船徙避

漢武帝時河決灌四

郡人令謁者二人發河南漕船五百艘徙人避水居丘陵九萬七千口

穿渠散患

賈讓言若

乃多穿漕渠使人得以灌田分散水患雖非聖人法亦救敗之術

為魚之患

詳前禹功注

乃粒之功

禹治水畢  
烝民乃粒

水滂五

增詩宋唐庚江漲詩曰秋來雨似澆雨罷水如潮市改  
依高岸津喧救斷橋雲陰哭鳩婦池溢走魚苗天意良  
難測前時旱欲焦 又戊子大水詩曰踏歌喧喧雜饒  
鼓潭邊呼龍令作雨龍噴揮水十丈餘千邨萬落幾為  
魚寄謝神龍且安處熟睡深潭不驚汝 又曰夜半傳  
呼河入室攬衣下牀深沒膝舊來水不到譙門老巫歸

咎西門君西門君去老巫舞明年却娶河伯婦 元張

養浩行水災郊外詩曰雲駁疎陰漏日華矐矐晨色散  
林鴉馬前怪底猶明月路轉滿川蕎麥花 方回十月

初三日水長二丈早行詩曰夜聞舟人呼江水溢二丈  
岸薪隨波流救者何攘攘亥子十月交地氣不當上十  
日柱礎汗蠅蚊閑帷幌此時肯為雪豈不兆豐穰積熱  
化滂沱傾空瀉盆盎前夕適醉卧不省船背響濤聲撼  
醒枕于茲發孤想炎方節候乖病叟體膚癢遑遑欲何

之曷日中國仰星斗猶粲然曉征發雙槳起視所泊處  
餘燈煜蒼莽 吳萊吳中水滂詩曰客來自吳土示我  
吳儂言吳儂歲苦水謂是太湖翻太湖四萬頃三江下  
流洩疏濬久無人淤汙與海絕東風一鼓盪暴雷如頽  
城屋靡蚌蛤上畦畎魚龍爭嘉種不得入種亦悉爛死  
民事何所成食天俱在水

豐稔一

增詩曰我黍與與我稷翼翼 尚書考靈曜曰春政不

失五穀孳夏政不失甘雨時季夏政不失地無菑秋政  
不失人民昌冬政不失少疾喪五政不失百穀稚熟日  
月光明 春秋元命苞曰咸池主五穀其星五者各以  
其職以精委為國也 孝經援神契曰歲星守心年豐  
廣雅曰年稔秋穀熟也 禮斗威儀曰君乘木而王  
則草木豐茂嘉穀並生

豐稔二

增穀梁傳曰宣公十六年冬大有年五穀大熟 漢記



曰鮑德修志節有名績累官為南陽太守歲灾惟南陽  
豐稔吏民愛悅號為神父 又曰建武二年秋天下野  
穀滋生麻菽尤盛或生苽菜果實野蠶成繭山民收其  
絮採獲穀果以為蓄積 山海經曰鯨魚見則天下必  
大穰也

### 豐稔三

原農夫望歲

田祖祈年

閔閔焉如農夫之望歲 周禮注祈年祈豐年田祖神農

也

三時不害

五穀皆熟

左傳時和年豐 穀梁五穀皆熟為有年

夢

魚之兆 克殷之年

詩牧人乃夢衆維魚矣衆維魚矣實惟豐年 昔周饑克殷而年豐

秋成無害

歲計有餘

滯穗斯積

餘糧不收

涇水長禾黍

斥鹵生稻粱

漢書云太始二年趙中大夫白公復秦穿渠引涇水

首起谷口尾入櫟陽注渭中袤二百里因名曰白渠民得其饒歌之曰涇水一石其泥數斗且溉且糞長我禾黍 呂氏春秋魏襄王使史起為鄠令引漳水灌田民得興利為歌曰鄠有聖令為史公決漳水灌鄠旁終古

斥鹵令生稻粱

力田不如逢時

躬稼徒欲望歲

秋收三

日之困

歲計十千之稅

豐稔四

原大有

公羊有年以喜書也僅有年亦足以當喜大有年豐稔也

多稌

詩曰豐年多黍多稌

順成

順成之歲年穀多熟

多稼

大田多稼

膏澤

多豐年

餘糧

栖畝

而不

陳陳

相因

穰穰

年穀和熟豐穰穰人掌反

千倉

萬箱

乃求

千斯倉乃求萬斯箱

補敗

以豐補敗

當喜

詳上

高下皆熟

鹽鐵論云周公

時天下太平丘陵高下皆熟

一縣徧熟

益都耆舊傳曰趙瑤字元珪為閭內令遭旱率掾吏

齊戒請雨靈應一縣穀徧熟

穀石五錢

漢書云宣帝即位歲數豐稔穀石至五錢

穀

石數錢

桓子新論云世俗咸曰漢文帝儉約脩道德躬先天天下化之故致充實殷富穀石數十錢

米流出門

梅陶書云古人就食于安里今三州米流出門

粟敗不食

漢書云武

帝之初國家無事天下富饒太倉之粟陳陳相因至于腐敗不可食也

曾孫之稼

如茨如梁

曾孫之庚

農夫之慶

詩

寒溫節則年熟

晏子云景公伐魯問

如坻如京

無擇曰魯之年穀何如對曰陰冰厥陽冰厚五寸公不

知以告晏子晏子對曰君子也問年穀而對冰禮也陰

冰厥陽冰厚五寸者寒溫節節則刑政

天雨穀歲大

平平則上下和和則年穀熟乃不伐魯

熟京房易

妖占云

天雨金歲大熟

同上

容糴至則年穰

南越志云

高興縣多容雞其形似雞而五采至則年穰

龍掘見境大豐

南海記云程溪蒲口有蒲

母養龍斷其尾因名龍掘

祭祀得宜五穀豐

禮稽命徵云天

肘人見之則境大豐也

子祭祀天地宗廟六宗五

岳得其宜則五穀豐登

歲欲豐甘草先生

子野占云帝問

子野曰吾欲知歲苦樂善惡可知不  
子野曰歲豐甘草先生甘草薺菜也

銅雀再鳴五穀

熟

魏文帝歌詩云長安城西雙圓闕上有  
一雙銅雀一鳴五穀生再鳴五穀熟

獨春鳴少

五穀熟

臨海異物志云獨春鳴聲似春鳴  
聲多者五穀薄鳴聲少者五穀熟

君乘木王

嘉穀並生

詳豐稔一

君賢臣職五穀豐滋

京氏別對  
災異云

歲

在辛酉乞漿得酒

素子正書云

正月黃氣其歲大熟

物理論云

正月朝四方黃氣其歲大豐此  
黃帝用事土氣均和四方大熟

冬至見雲其鄉歲美

易通卦驗云冬至之日見雲  
從其鄉來歲美不災疫也

井冰厚尺冬大有年

續漢

書曰靈帝光和六年井  
中冰厚尺餘冬大有年

米砂偏饒其方豐穰

王孚安成記云

新喻縣有水湍沸涌白沙如米兩岸各數十斛呼為米砂以之候歲若一岸偏饒者則其方之鄉豐饒也

黃雲覆車五穀大熟

東方朔別傳詳雲

開江溉田歲常豐熟

風俗通曰秦昭王使陳永為蜀郡太守開成都兩江溉田萬頃無復水旱之災歲常豐熟

亦有高

廩萬億及秭

詩傳廩所以藏盛之穗也數萬至萬曰億數億至億曰秭箋云亦大也萬億及秭

以言穀數多

我倉既盈我庾維億

詩傳云露積曰庾萬萬曰億箋曰陰陽和風雨

時則萬物成萬物成則倉庾充滿矣

彼有遺秉此有滯穗

詩云彼有不穫穉此有不

斂穰彼有遺秉此有滯穗伊寡婦之利傳云秉把也箋云成王之時百穀既多種同齊熟收刈促遽力皆不足

而有不穫不斂遺秉滯穗故聽矜寡取之以為利

豐稔五

增詩宋陸游豐歲詩曰豐歲驩聲動四鄰深秋景氣粲  
如春羊腔酒擔爭迎婦鼉鼓龍船共賽神處處喜晴過  
甲子家家築屋趁庚申老翁欲伴鄉閭醉先辦長衫紫  
領巾 王炎豐年謠詩曰滿箔春蠶得繭絲家家機杼  
換新衣五風十雨天時好又見西郊稻秫肥 又曰洞  
丁搖戶盡歸耕篁竹無人弄寸兵要識二天恩德廣黃  
雲千里見秋成 又曰睡鴨陂塘水漫流離離禾稼滿

平疇共言官府催科緩飽飯渾家百不憂 又曰稻如  
馬尾覆溝塍桑柘陰中雞犬鳴收穫登場便無事輸租  
人不入州城 楊萬里江山道中蠶麥大熟詩曰黃雲  
割路幾肩歸紫玉炊香一飯肥却破麥田秧晚稻來教  
水牯卧斜暉 又曰新晴戶戶有歡顏灑繭攤絲立地  
乾却遣繰車聲獨怨今年不及去年閒

凶荒一

增禮記曰凶年則乘駕馬祀以下牲 穀梁傳曰一穀



不熟謂之歉二穀不熟謂之饑三穀不熟謂之饉夏  
歸藏曰士無兼年之食遇天饑妻子非其妻子也大夫  
無兼年之食國無兼年之食遇天饑百姓非所有也戒  
之哉遇天饑興馬臣妾非其有也周書曰天有四殃

水旱饑荒其至無時非積畜何以待之漢書曰歲饑

民貧卒食半菽墨子曰百穀不收謂之旱三穀不收

謂之凶四穀不收謂之餽

音墮

五穀不收謂之饑淮南

子曰畜者欲歲之荒饑博物志曰荒年暫辟穀法但

食蠟半斤輒支十日不飢 河圖曰日月兩重暈者飢之祥也

凶荒二

增左傳曰五年春無冰梓慎曰今茲宋其饑乎歲在星紀而淫于玄枵以有時災陰不堪陽蛇乘龍龍宋鄭之星也宋鄭必饑 又曰宋公子鮑禮于國人宋饑竭其粟以貸之年自七十以上無不饋飴也 漢書曰漢興接秦之弊諸侯並起民失作業而大饑饉米石五千人

相食死者過半 又曰元帝二年齊地饑米石三千餘

英雄記曰幽州歲不登人相食有蝗旱之灾民人始

知採稻以棗椹為糧穀一石十萬錢公孫伯圭開置屯

田稍稍得自供給 又曰建安七年鄴中大饑穀一石

二萬錢 應豫立贊序曰王莽居攝以病告歸後赤眉

賊攻其所居城糧盡以私穀數千萬斛賑城中數萬民

莫不稱其仁 謝承後漢書曰趙典兄子溫遭歲大饑

散家糧以賑窮餓所活萬餘人 王隱晉書曰永嘉五

年洛中大饑五月摯虞饑死 崔鴻三十國春秋曰諸

州自建武元年十一月不雨雪至十二年八月穀價踴  
貴金斤直米二升為流民者十有五六百姓嗷嗷人無  
生賴 又曰建元元年襄國大饑穀二升直銀一斤肉  
一斤直銀一兩 晉書劉琨與丞相牋曰夏則桑樵冬  
則豢豆視此哀歎使人氣盡 又大興元年詔曰亢旱  
穀貴百姓嗷嗷有資者貴糴貧羸之民益困漢世穀貴  
官賤糴使價不超越謂之平準今雖無此可出關米萬

斛使三分減一以平其價令貧困者悉得足以至秋也

袁子正問滑釐曰今當凶年有欲與子隋侯之珠者

又有欲與子一鍾之粟者子將何擇釐曰吾取粟可以

救窮 六帖曰帝幸東都詔孝敬皇帝帝監國時關中饑

孝敬皇帝視廡下兵食有榆皮蓬食者帝悄然命家令

寺給米 又曰李勣破王世充密署東海郡公是時河

南山東大水隋帝令飢人就食黎陽倉吏不時發死者

日數萬 又曰楊於陵遷浙東觀察使越人飢請出米

三十萬石贍貧民 又曰長慶中浙東災癘拜丁公著  
觀察使詔賜米七萬斛使賑飢用 又曰宋璟檢校貝  
州刺史時河北水歲大饑三思使斂封植璟拒不與故  
為所擠 五代史曰晉高祖皇后從帝北出行沙磧中  
飢不得食遣隨行宮女從官採木實野蔬而食

凶荒三

原國虛 人散

五穀不熟其國乃虛  
周禮野荒人散

困麓空 瓜麥

盡國語云越大夫種謀曰今吳既罷而荒大荐饑市無  
赤米而困麓空虛其民必移就食蒲贏于東海之濱

案注云圓者為困方者為

金斤斗粟

米斛萬錢

東觀

詳后蟲鼠為害註

漢記云王莽末天下旱連年穀不成建武元年耕作者  
少民饑饉黃金一斤易粟一斗 漢書高祖二年關中  
大饑米  
斛萬錢

## 凶荒四

原若饑

左傳曰晉荐饑使乞糴於秦秦伯問百里奚與  
諸乎對曰天災流行國家代有救災恤鄰道也

行道  
有福

仍饑

見上

荒政

周禮以荒政十二聚萬民一曰  
散利注謂糧食也二曰薄征注

謂輕租稅三曰緩刑四曰弛力注謂息力役五曰舍禁  
注公無私禁六曰去幾注去關市之征七曰普禮注謂  
省吉禮八曰殺哀注謂省凶禮九曰蕃樂注藏樂器不  
作十曰多昏注不備禮而昏娶十一曰索鬼神注求廢

祀而脩十二曰除盜賊  
注饑則多盜不可不去

荒式

太宰以九式均節財用  
二曰喪荒之式用財之

節度也荒

荒禮

凶年之禮

天災

天災流行  
國家代有

力政

凶年則力

凶年也

政不均注地亦  
不平計地稅也

貶食

臧文仲曰貶食省用  
務穡勸分此其務也

就穀

禮周

廩人以歲上下數用凡民食上歲人四鬴中歲人三鬴  
下二鬴若食人不能二鬴則移人就穀注四鬴三鬴人

一月米也

輸粟

周禮大荒令邦國移人人  
有守不可移者令輸粟

調委

小行人  
凶荒令

委調

施舍

施恩惠  
舍力役

棄責

國語天災則棄責薄斂市無  
赤米注赤米米之姦言饑也

已責

止通責

大殺

禮記云年雖大殺衆  
不匡懼注殺饑也

易供

凶年則乘

駕馬祀以下牲  
注取易供也

九穀不登

政書云比年九穀不登  
菜蔬不熟不可不深慮



三麥不收

曹植云太和三年大旱三麥不收百姓饑饉

蜂食民苗

洪範五行傳云

秦昭王三十八年上郡大饑山

蟲鼠為害

王洽臨吳郡上表云

木盡死蜂食民苗民無所食

前民辭求相鬻賣一則救民也二則供官也方

民饑

今之要當課功受業又蟲鼠為害瓜麥已盡也

告糴

國語云魯饑臧文仲以玉磬如齊告糴

民饑噉弩

東觀漢記云隗囂時民饑饉乃

噉弩者履

民多饑饉

東觀漢記云王莽末年方枯旱民多饑饉掘萑茨而食

民皆

菜食

汝南先賢傳曰袁安為陰平長時年饑荒民皆菜食租入不畢使民輸茅

米石二千

又云王莽時雒陽米石二千遣

士食藻菜

東觀漢記赤眉還入

大夫謁者教民煮木實為酪

長安鄧禹與戰敗走至高

民食桑榆

魏太尉司馬懿奏云秋雨潦傷

陵軍士飢餓皆食藻菜

五穀又無蔬菜比萬民已有食桑榆皮者

藜藿給食

典略云從興平元年至建安元年其間四

歲咸陽蕭條亂賊李淮等始將部曲入長安居董卓故塢中取棗藜藿以給食發塚取衣蓋形

桑椹

為糧

英雄記云五穀不登民人以桑椹為糧

人民相食

東觀漢記曰王莽時盜賊人民

相食 戰士相噉

英雄記云李淮等相攻戰士相食也

膳不祭肺

歲凶年穀不登

君膳不祭肺注不殺牲也

食不兼味

歲凶君食不兼味廷道不除百官布而不制鬼神禱而不

祭

祭祀不懸

馬不食穀馳道不除祭祀不懸注不懸徹樂也

山澤不賦

年

順成則天子素服乘素車食無樂君衣布搢木闢梁不租山澤列而不賦土功不興大夫不得造車馬也

木實為酪

王莽時南方枯旱穀翔踴使民者木實為酪又不可食重為煩擾注為杏酪之屬也

桑榆為飯

後漢袁術在壽春百姓以桑榆為飯

民卒流亡

詩曰瘼我饑餓民卒流亡

注瘼病也

年無儲蓄

風雨不節

則饑

天時不齊

詳旱

人

得就食

漢關中饑高祖令人得賣子就食蜀漢

軍無見糧

祈年不應

歲惡不入

四阻防饑

百姓艱食

水旱為災

黍稷孔疚

室如懸磬

野無青草

穀斛五十萬

英雄

記云李淮等相攻戰長安中盜賊不禁白日擄掠是時穀一斛五十萬豆麥二萬人相食

掘野鼠

食之

晉中興書云中原亂徐龕石勒左右交侵百姓饑饉野無生草時或掘野鼠捕蟄鷺而食之

掘菟茨食之

東觀漢記詳前

大夫糟糠不足

吳志云駱統字公緒八歲時饑

荒鄉里及遠方客多有困乏統為之飲食衰少其姊仁  
愛有行寡居無子見統甚哀之數問其故統曰士大夫  
糟糠不足我何心獨飽

士卒菜菹雜半

漢書曰宋義

姊乃自以私粟與統  
齊身送之無鹽飲酒高會天寒大雨士卒饑凍項羽曰  
將戮力而攻秦久留不行今歲饑民貧卒食半菹軍無  
見糧廼飲酒高會不恤士卒而徇私宴非社稷之臣也  
注云士卒食蔬菜以菹雜半之

發苑果

以活民

韓子云秦大饑應侯請  
發五苑果棗粟以活民

開倉廩以賑民

魏志  
云黃

初三年民饑使尚書杜  
畿持節開倉廩以賑民

一穀不升謂之嗛

二穀不

升謂之饑

三穀不升謂之饑

四穀不升謂之康

五穀不升謂大侵

並穀  
梁傳

凶札無關門之征

周禮司關  
職掌國貨

之節以聯門市凡貨不出于闢者舉其貨罰其人國凶札則無關門之征

年饑無充庭之

戲續漢書云永初四年詔比年饑加有軍旅且勿設戲作樂正旦無陳充庭車也

天有四殃

水旱饑荒周禮

天既喪亂饑饉荐臻

毛詩注曰荐重也臻至也

穀

不熟為饑蔬不熟為饉

爾雅云穀不熟曰饑蔬不熟曰饉果不熟為荒仍饑為薦

人飢增首陽

伯夷叔齊餓于首陽之下

翳桑

趙宣子初田於首山舍于翳桑見靈輒餓

曰不食三日矣與之簞食後倒戈以報宣子

道殣

相望注殣餓死也

野殍

孟子有

餓殍

食雀鷖

史主父餓餒而食雀鷖注主父趙武靈王也

食蒲羸

抱子

棄

文選路逢饑婦人抱子棄草間

易子食

楚人圍宋宋易子而食

師不宿飽

樵蘇後

饗云云

士有饑色

漢書千里饋糧士有饑色

不食嗟來

齊大饑黔敖為

食于路以待餓者而食之有餓者蒙袂輯屨貿貿然來

黔敖左奉食右執飲曰嗟來食餓者揚其目而視之曰

予惟不食嗟來之食以至于斯也從而謝焉終不食而

死曾子聞之曰微與其嗟也可去其謝也可食注貿貿

目不

何心獨飽

吳志駱統詳前

怒如調饑

詩

囂然思食

明貌

文選

不飢何為有餒而已

衛甯惠子曰吾有餒而已不來食之

室家

相棄父子相食

漢河內饑父子相食汲黯聞倉而賑之

隱民多取食

隱困窮也

從者莫能興

論語在陳絕糧從者病莫能興

凶荒五

增詩元戴表元剡民飢詩曰剡民飢山前山後尋蕨其  
劇其得粉不滿掬皮膚皴裂十指禿皮皴指禿不敢辭  
阿翁三日不供糜不如拋家去作挽船士却得家人請  
官米 張養浩哀流民操曰哀哉流民為鬼非鬼為人  
非人哀哉流民男子無緼袍婦女無完裙哀哉流民剝  
樹食其皮掘草食其根哀哉流民晝行絕煙火夜宿依  
星辰哀哉流民父不予厥子子不親厥親哀哉流民言  
辭不忍聽號哭不忍聞哀哉流民朝不敢保夕莫不敢

保晨哀哉流民死者已滿路生者與鬼鄰哀哉流民一  
女易斗粟一兒錢數文哀哉流民甚至不得將割愛委  
路塵哀哉流民何時天雨粟使女俱生存哀哉流民

御定淵鑑類函卷二十二



謹案卷二十一第二十一頁後一行汶山郡多雜  
藥名香刊本汶訛文又山下脫郡字名下衍春  
字據華陽國志改增刪

第二十六頁前六行有美人兮心恍惚刊本兮訛  
而據寒賦原文改

第二十六頁前七行憐鴛衾之夜闌按寒賦原文  
闌作單


卷二十二第十四頁前八行右呵飛廉刊本廉訛

厲據陳思王集改

第十四頁後一行遂乃沈陰块北刊本块訛決據  
陳思王集改

第二十八頁後七行禮記云刊本誤作穀不登今  
改





總校官庶吉士臣張能照

校對官庶吉士臣陳墉

謄錄監生臣吳魯